



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1635. usque ad annum 1643

Fleury, Claude

August. Vind. [u.a.], 1779

VD18 9011888X

§. 9. Plures Regi addicti ab Inferiore Curia suppliciis affecti.

[urn:nbn:de:hbz:466:1-67406](#)

Sæc. XVII. ut mox alias Orator nomine Benjamin
A.C. 1641. Rudyardus in sua oratione sine ambage
Regem incusaret, quod sub novæ liturgiæ obtentu Papismum invehere, &
sub odioso *Puritani* nomine veræ Religionis Sectatores tanquam homines in
Regno suspectos traducere intenderit. Hujus declamationem biduo post alia
exceptit oratio, in qua Digbyus Comes Curiam inferiorem incitabat, ut scri-
ptum ederet, in quo populum de ur-
gente gravamina tollendi necessitate,
seu verius de Regis auctoritate peni-
tus evertenda edoceret.

§. IX.
Plures Regi addicti ab Inferiore Curia suppliciis affecti.

Salmon hift. Haud parum intempestiva Regis in-
d' Angl. t. I. dulgentia ad extremam sui suo-
pag. 220. ramque perniciem contulit; postquam
Nelson t. I. enim Puritanorum violentia territus
pag. 520. confenserat, ut Parlamentum, quod
initio nonnisi triennale esse voluit, tam
diu permaneret, donec turbæ, quas
tamen inter turbulentos hosce Viros
nunquam defuturas noverat, penitus
sedatæ essent, inde Curiæ inferioris
Senatores audaciores effecti, pessum-
data Regis auctoritate Parlamentum
ita stabiliverunt, ut etiam Regis man-
dato

dato dissolvi non posset: quo circa mox ^{Sæc. XVII.}
 Regius quidam Minister exclamabat, A.C. 1641.
~~hoc die Rex coronam & sceptrum Parlamento tradidit, totque erunt Reges, quot Parliamentarii.~~
 Enimvero hi suorum numero & potentia freti, præprimis cunctos, quos Regi devotos noverant, sub diversorum criminum obtentu e medio tollere constituunt, ut his primo sublatis ipsum quoque Regem omni amico & defensore destitutum eo facilis Regno & vita privare possent. Inter illos, quos morti destinarunt, erant præcipui. I. Laudus Cantuariensis Archiepiscopus, quem Ecclesiasticarum innovationum Authorem, belli contra Scotos incentorem, Puritanorum hostem, & Arminianorum Caput esse crimabantur. II. Straffordius Comes Hiberniæ Prorex, cui criminis datum, quod Regi addictissimus esset, eumque ad evocandos Hibernos contra rebelles Anglos incitasset, proin perfidiæ reus foret. III. Finckius Regii Sigilli custos, quem perniciosum Consultorem, Regisque clientem, atque ad invenendum despoticum Regimen paratissimum sive dicebant. IV. Franciscus Windebanckius, quem accusabant, quod Catholicos protexerit, Sacerdotibus & Jesuitis morti destinatis, aliisque Catholicis elabendi opportunitatem pro-

Sæc. XVII. curarit: denique Regni judices injusti-
A. C. 1641. tiæ postulabantur: Pariter in plures
alios, quos vel Regi addictos, vel ejus
consiliis suffragantes crediderant, tanta
severitate inquisitum, ut ferme omnes,
qui adhuc Regi adhærebant, potius
sua in eum studia abdicare, quam ac-
cusationis severitati, contra quam Rex
illos defendendo impar esset, se ex-
ponere mallent: inde vero factum, ut
Curia inferiore in omnes subditos ter-
rorem incutiente, Rex uno ferme mo-
mento se ab omnibus derelictum, at-
que ad eam necessitatem redactum cer-
neret, ut omnibus, quæcunque Parla-
mentum ei præscriberet, consentire co-
geretur. Eapropter invito Rege Epi-
scopos, ne Regi auxilio esse possent, jure
omnique jurisdictione temporali priva-
runt, jactato obtenu, quod ejusmodi
munia Sacris eorum functionibus ob-
starent, insuper die prima Maij Straf-
fordiæ Comitem ac Hiberniæ Prore-
gem non alia ex culpa, nisi quod Re-
gis auctoritatem contra rebelles tueri
niteretur, pronuntiata mortis senten-
tia damnarunt. Reclamabat vehemen-
ter Rex, palam professus, quod nec
mortis metus, nec vitae amor adeo un-
quam in se prævalitus esset, ut con-
tra suam conscientiam adeo iniquo ju-
dicio

dicio subscribere vellet: Verum incas- Sæc. XVII.
sum omnia; Puritani enim jam dudum A. C. 1641.
in hujus Viri perniciem conjuraverant:
hunc in finem viginti octo accusationum
capita producunt, accersunt testes,
qui conductitia testarentur consensione,
Comitem fundamentales Regni leges
evertendi *animum* habuisse: Spargunt
conflatæ conjurationis rumorem, per-
inde acsi Regis amici copiis Londinum
accersitis Parliamentum coercere, Co-
mitemque ex Londinensi Turri armata
vi eripere machinati essent: Ejusmodi
suspicionibus populum contra Straffor-
dium tantopere exacerbarunt, ut factio-
rum quamplurimi Comitem tanquam
urbis Londinensis hostem proclama-
rent, & fustibus, & quæ furor ministra-
verat, armis instructi Curiæ Ministris
insultarent, vociferantes: *Justitia, Ju-*
stitia! ipse etiam Cornelius Burgesius
Præco Puritanus magnam virorum,
mulierumque multitudinem concitabat,
ut inconditis clamoribus sententiæ in
Comitem latæ executionem urgerent;
nec his contenti, Whitehallam conten-
derunt, ubi Regiæ Majestati insultan-
tes, extremam violentiam adhibuerint,
nisi Deputati, quantumvis ipsimet præ-
cipui hujus seditionis auctores essent,
Regicidii tamen calumniam a se amo-
turi, vim cohibuerint. Tandem vero

1 i 3

de-

Sæc. XVII. depressa Regis auctoritate, & populo in
A. C. 1641. eundem concitato Curiae inferioris Sena-

tores Comitem indicta plane causa, &
denegata Advocatorum defensione die
decima nona Aprilis capite pletti jusse-
runt, tantæque immunitati Carolum
Regem subscribere compulerunt, quam-
vis Comes cuncta accusationum capita
plene diluisset, ac ipsem Rex eodem
adhuc die coram utriusque Curiae Se-
natoribus palam professus esset, quod
licet omnibus judicii actis contra eum
habitis præseus fuisset, salva tamen
conscientia ipsum damnare non posset,
eoquod Hibernas copias in Angliam de-
ducere, vel leges Regni immutare,
nunquam Comiti in mentem venisset,
nec talia Regi consuluisse: Hunc au-
tem fidelissimum Regis Ministrum im-
merito tortoris manu vitam amississe,
sat luculenter probant tot fraudes, &
artificia, quæ a Puritanis ad promo-
vendam illius necem fuere adhibita:
quod autem trucidato hoc Ministro de-
mum in ipsam quoque Regis vitam con-
spirarint, adhuc apertius testatur eo-
rum pertinacia, qua nequidem ampli-
simis favoribus demulceri poterant;
quamvis enim Rex incredibili prorsus
indulgentia, Anglis cuncta, quæ po-
stulaverant concessisset, imo cum ipsis
Scotis rebellibus suis subditis facto in

Sco-

Scotiam itinere concordiae pacta iniis- **Sæc. XVII.**
 set, & præcipua regni munia ac bene- **A. C. 1641.**
 ficia juratis suis hostibus contulisset,
 his tamen omnibus insuperhabitibus Cu-
 ria inferior seposita omni Regiæ digni-
 tatis reverentia iniquum foedus Scotti-
 cum approbavit: ita nempe mentes
 letifera rebellione depravatas nulla be-
 nevolentia ex tempore sanat, tunc præ-
 fertim, ubi profundius aversio in Se-
 culariorum animos jam antehac Reli-
 gionis oppositæ odio præconsumptos
 descendit.

§. X.

Puritanorum immanitas contra Catholicos.

Inter tot, tamque aceras vexationes *Rusworth*
 Carolo Regi unica auxiliī spes repo- **tom. 4. p. 73.**
 sita erat in fidelitate Catholicorum, **& seqq.**
 præcipue Hibernorum; quamvis enim **Nelson t. I.**
 hi Regem tanquam *supremum Ecclesiæ*
caput agnoscere recusarent, fidem ta-
men suam eidem juramenti Religione
obstrinxerunt, quo circa Rex Catholicorum
fidelitatem compensaturus, illos
singulari patrocinio dignabatur, necnon
ad Patris sui exemplum severissimas le-
ges contra illos latas exequi negligebat,
atque ad Puritanorum invidiam
illos in Aula benigne excipiebat: Post-
li 4 **quam**